

黃陂縣志卷之十三



同知升銜知黃陂縣事 劉昌緒重修

候選道前翰林院庶吉士 徐瀛總輯

列女志

貞女 烈女附

離為中女南方象也貞節自守文王化也三從之義
哲女所嫻十年之貞賢女所重當夫深處香閨族戚
罕見其面一旦猝臨大節生死不動其心忠孝節烈
之氣豈必盡出男子哉巾幗而丈夫往往不乏其人

黃陂縣志

卷之十三 貞烈

史冊昭垂徽揚彤管志貞女

黃貞女庠生士寵女許字舉人李士璠之子端未嫁
而端歿女年十九聞訃哀慟辭母往謁夫靈誓執
夫喪終身姑養立夫弟金臺之子蓮為嗣蓮三歲
痘殤女哭泣喪明一日告姑曰蓮死望已絕兒將
從泉下人矣遂絕粒而歿時舅謁選都門母黨昇
其棺歸葬舅歸弔其墓墓忽裂眾異之僉云同穴
乃女志也遂遷與端合葬雍正十年 旌

江貞女幼許聘沈炬炬故女年二十一聞訃衰絰往

奠守貞不字畱侍公姑竭盡孝養乾隆五年旌

按省志有汪貞女而無事實亦無
江貞女之名是一是二不可意揣

江大姑江又文女沈文炬聘妻年二十沈失足淹死
聞訃奔喪著孝服哭奠靈前卽欲投繯公姑勸止
遂止沈家爲夫立嗣事公姑盡孝里黨交稱後嗣
子履和請旌建坊

勅安人卒年五十九

沈四姑監生沈大鎬次女幼時母病侍奉湯藥因顛
仆受傷成偃僂形遂守貞不字侍母終身紡績得

黃陂縣志

卷之三

貞烈

二

羸餘樂爲施與年五十九無疾而終

余細姑余之嶽女幼字袁年十齡袁歿矢志守貞終
身不字紡績盡孝卒年五十九

何貞女士魁女幼字楊作幹年及笄而幹沒開訃悲
號服素奔喪堅字不移卒年六十六道光八年建
坊

張貞女文超女幼字范光灝未婚灝卒適范奔喪盡
禮撫嗣成立卒年七十八學憲給守貞完節額

王貞女陳守義聘妻聞陳歿誓守適陳爲夫立嗣乾

隆二十八年建坊

彭五姑王方子聘妻母家居省城甚貧將于歸王方子病故五姑志欲殉父母不許擬改字決志不從適王謂公姑曰死生依姑誓不回母家矣王家亦貧五姑紡績鍼帶以養公姑未幾姑死五姑獨守年餘病卒時滿室有異香前縣詳請建坊旌之

王五姑山東通濱橋開官王錫純女字劉清驩之子華耀隨父任母亡父命回籍待年於劉蓋劉與王

黃陂縣志

卷之三

貞烈

三

兩姨親也咸豐甲寅八月逆首陳玉成至黃花滌清繡督團與戰困陣中華耀時年十六執戟冒刃入救死焉鄉勇至清驩得出次日收子屍歸女水漿不入口女叔錫浚迭使人接女歸女不至叔親詣之女在厨以刀截二指示叔血尙涔涔叔以好言慰不四五年病故臨終囑父母曰不願表揚只願合塚卒年二十有一女髻時與華耀戲種樹於宅旁槐榆各一株至是忽連理交柯人以爲精誠所感族叔刺史錫銜以詩記之其詞曰槐榆非一樹

忽成連理枝枝葉忽膠結結爲長相思婉婉王家
女亭亭劉家兒宅邊同種樹兩小無猜時兩母爲
兄弟兩子當倡隨樹亦何所感樹亦何所知昔種
樹有別今望樹交垂雖有同心結未嘗親結藕雖
有合歡被禮成未有期死孝子所甘死貞女所宜
荷戈父以返斷指姑不疑瓊枝與玉樹不得長相
依玉樹埋黃土瓊枝失歲蕤惟此一寸心動天天
爲移請看宅邊樹無情生靈奇樹亦何所感樹亦
何所知昔種樹有別今望樹交垂貞矣王家女孝

黃陂縣志

卷之三

貞烈

四

哉劉家兒天彰貞與孝以爲千載規榆槐非一樹
忽成連理枝

熊七姑貢生熊光廷女幼字劉德剛甫及笄而剛歿
聞訃矢志父母欲改字不可絕糧七日而卒將葬
諸熊氏祖墓側忽棺重不能舁鄉黨異之後剛父
母聞其事備禮迎之葬於西眉山與剛同穴

潘貞女登訓女王允杰聘妻年二十聞杰歿欲往人
止之曰王無兄弟我不往王祀絕矣竟適王爲夫
立嗣孝事公姑卒年八十後嗣子洪閣天文生成

名

劉大姑漢邑劉守勤女劉德瑛聘妻幼歸劉未婚而
瑛亡矢志靡他姑以年少不欲畱氏仰天誓曰媳
生死不離姑側若不得命惟以身殉而已自是事
姑曲盡孝養姑癱瘓數十年不起氏終日紡績姑
床前以待指使雖嚴寒酷暑不輟也立嗣清暄早
亡孫亦殤迄今八十有九隻身一室辛苦備嘗固
怡然也道光丙戌學憲王 題請 旌表

熊大姑岡邑庠生熊登瀛女劉啟泗聘妻泗宦遊十

黃陂縣志

卷之三

貞烈

五

餘載無貲歸娶寄書女父請另字女誓不可依母
家守貞現年六十三

胡貞女胡萬億女孝事父母終身不字卒年七十四

湛大家湛世瑤女未字年十三隨父兄客陝西不數
年行貲空乏父兄與嫂相繼歿其兄遺二男一女
均幼大家營喪益蕭條廼偕姪等沿途乞食而歸
至家年餘族中有以及笄勸字者大家不應潛然
曰我去姪無依我父其無後乎矢志不字紡織給
衣食撫姪成立後長姪及姪女又殂勉竭餘貲爲

次姪受室撫育姪孫男女各一現年八十二猶爲
姪操家計不倦貞女也一孝子也

宗望姑宗光耀女母程氏足病廢侍奉不怠兄嫂均
歿遺子武俊甫二齡女立志事母撫姪願將終身
因無敢議婚者母歿哀毀盡禮摒擋一切紡績辛
勤雖貧不怨復爲姪娶媳生子得續禋祀皆女力
也族里稱之咸豐十年 旌現年七十六

趙喜生趙成節女幼字羅羅固貧女兄欲令改字女

黃陂縣志

卷之三

貞烈

六

不可遲至二十四歲女料事難如願行至水濱題
句於沙泥云何人不欲命長生我欲長生恐損貞
留得一生終怨悔何如此處樂澄清遂從容入水
死時道光二十八年七月

劉貞女幼字劉德寶年十九寶歿立志苦守誓不再
字現年八十八

郝望瑛郝金太女年十八劉德英劉文法女年十七
均未婚望英養於劉分屬姑嫂情同姊妹髮逆紛
擾常相謂曰與其有玷而生不若無辱而死咸豐

甲寅賊至二女私將裏衣密縫履襪牢繫外襲常服迨五月初四日勢急同赴水死後撈尸手猶相攜面如生

翁銀芝翁大楷女年十六咸豐四年賊至投水死

劉賢姑咸豐四年二月賊至投水死

魏大省魏自賢女幼字張咸豐四年髮逆至與孀氏

劉攜手赴水死

陳大姑張氏養媳咸豐四年五月賊至在邑東天井

鋪陳家田投水死

黃陂縣志

卷之十七

貞烈

七

吳純姑吳光興女咸豐四年賊至勢急投水死時年十八

李長發養媳玉姑咸豐四年四月十九賊至投水死

夏細大從九夏紹冠女年十六張新姑張明起女年

十五咸豐十一年賊至俱投水死

彭玉桂彭高耀女年十八汪大姑年十六咸豐十一

年賊至俱投水死

陳某女年十八胡某女年十六咸豐十一年賊至俱

投水死

陳富姑陳光安女幼字楊咸豐十一年賊至勢急投
水水淺賊加刃罵不絕聲槍刺死時年十六

劉存姑劉德大女咸豐十一年賊至隨母陳氏遇賊
賊以斧擊陳死女且泣且罵亦被斧砍死時年十

五

胡香桂胡光炳女咸豐十一年賊至投水死

呂姣姑監生呂國淋女咸豐十一年賊至投港死時
年十八撫憲嚴給完貞殉節額

劉貞女劉德大女咸豐十一年賊至被脅不從罵賊

黃陂縣志

卷之三

貞烈

八

遇害時年十五

汪大因汪用甲孫女咸豐十一年二月賊至投水死

王順姑王鈞元孫女咸豐十一年二月二十二日賊

至遇害

雷蝦貴雷開坦女年十八賊至投水死

詳烈婦柯氏

北鄉太極堂劉魁廷女及姪女長媳王次媳陳四女

年皆二十以內未婚同治元年九月初五避難於

黃安縣北風斗山謝凹處賊勢逼近同坐塘上以

示必死一騎賊至大叫無妨可上山去女中有欲

時年十七

陳富姑同治二年二月十八日賊至勢急投堰中死
時年十六

吳貞烈吳正啟女幼字何繼功同治二年十二月初
五髮捻竄投水全貞時年一十三

徐大姑徐道元女年十六劉翠女林朝柏養媳年十
八同治三年賊至勢逼俱投水死

楊引孫楊德貴女幼字范年十九王當生王才貴女
幼字胡年十六同治三年賊至勢急投水死 已旌

黃陂縣志

卷之十三

貞烈

十

何三貴何宗柏女同治三年賊至投水死時年十六
胡福壽胡純立女年二十一胡春貴胡純祥女年十
六同治四年賊至勢急攜手赴水死

張桂姑張金寶女年十八同治四年十二月初七日
全家避難武湖遇賊牽女走母隨之賊以刀背擊
母女給賊釋母遂投水死其父奔號撈女尸致觸
賊怒被殺慈孝節義萃於一門聞者憫之

潘貞女年十三爲蔡家養媳同治四年避賊至六音
廟賊馬奔來被擄大罵賊斷其舌棄之赴水死

周翠英周國致女年十五同治四年十二月初八日
避難武湖被騎馬賊擄至小南門內不從誘以鮮
衣美食罵不絕口賊怒以刀戕其喉死尸拋城外
五年二月賊退鄰媪詳言於其家其父殮之身體
全未腐潰舊衣猶存

烈女無姓氏約年二十同治四年十二月初五日被
賊擄至城中薛家湖威逼不從拷打殺斃時有一
捻不忍題壁云奇操獨秉實堪憐不惜餘生志倍
堅白髮尙難全晚節紅顏那肯損青年魂遊地府

黃陂縣志

卷之三

貞烈

十一

乾坤老血染郊原草木鮮自古人生皆有死貞心
畱得對前賢並裹其尸置僻處先是鄰媪問女姓
字曰我父身列膠庠邑東人也今有死而已奚問
焉卒不言

烈女不知誰氏同治四年十二月初六日被賊擄至
城內傅氏祠後隔壁約年十八九內穿紅紬綿襖
似送往夫家就婚者賊囑鄰媪力勸不從拷打逼
脅亦不從賊大怒殺死塘坡上五年二月官兵入
城死尸山積無不臭爛此女面如生鄰媪述之猶

淚下相傳爲藍姓云

徐桂枝徐世道女同治四年十二月擒逆突至勢急投水死十餘日面如生時年十七

胡四姑副榜美膏孫女同治四年十二月聞賊至不能遠避日止於湖濱初七日辰後見賊旗遂赴湖死時年十八

烈女不知誰氏同治四年十二月被擄不辱且罵賊怒縛樹上罵益厲賊眾刺死磔其尸

吳翠姑同治四年賊至投水死月餘面如生時年十

黃陂縣志

卷之三

貞烈

十一

四

陳小姑太平縣配軍陳有順女同治四年在黃花澇遇賊投水死時年二十二

喻福保喻松亭女同治四年賊至投水死時年二十
劉玉姑劉習傳女同治四年賊逼不從受斃刃投水死時年十七

徐全姑徐世琦女同治四年在黃花澇遇賊投水死時年十九

劉榮壽劉習傳女年十八同治四年十二月初六日

逆由宋埠竄擾勢急投水死

章喜貴章文廣女同治四年隨父避難於察院嘴賊

逼近文廣罵且搏不克死女慟哭厲罵亦被殺死

李要姑庠生李紹棠女幼字徐流蕩未歸遂茹素守

貞同治四年賊至避武湖舟次勢急投水死時年

三十二閱二月餘得其尸面如生同治七年 旌

周翠女年十八同治四年捻逆滋擾女在周家灣逃

避適遇賊逼大罵身受數傷投水死

烈女無姓氏同治四年十二月初七日在大嘴龜渦

黃陂縣志

卷之三

貞烈

三

賊近投水死約年十七八身衣綠襖

陳哲生陳章爲女幼字羅同治四年十二月賊至被

脅取農器擊賊賊怒碎其尸時年十八

陳小姑同治四年賊至投水死時年二十

吳貞女年十八同治四年十二月賊至勢急在王家

冲投水死

老鶴廟烈女佚其姓約年十四五同治四年賊至女

奔赴寨不及遂投水死

喻福占胡源濬未婚姪媳同治四年十二月初八賊

至投湖死時年十七

劉佑桂江南劉長清女陶之惠孫媳年十六未婚同治五年賊至投水死

喻大姑喻光國女幼字梅大富年十八梅卒遂往事舅姑同治五年卒年四十二

袁純姑袁賢女幼字孫長壽將于歸而孫歿聞訃守貞事母以孝卒年二十六已旌

程貞烈幼字游才繡未于歸而繡歿矢志不字有以改字議者女聞之不食七日而卒時年十八已旌

黃陂縣志

卷之三

貞烈

古

錢大台錢洪女幼字傅年十九于歸時途中遇賊勢急命與人速逃指大塘此吾安宅也遂投水死

段貞女段廷幹女幼字陳詔紳甫及笄而陳歿矢志不字卒年五十一學憲朱給守貞全孝額

王文姑王清濱女幼字馬承祖祖從軍陣亡女聞訃涕泣投水死時同治七年年二十一

楊貞女楊大興女幼字葉夢蘭年十九聞葉歿素服往奠終身不字卒年六十七學憲王給守貞全

孝額

烈女不知誰氏約年十五身衣藍衣同治五年正月
初二日被賊擄至邑東百逼不從賴有老婦汪熊
氏等與賊理論女乘間投水死

陳哲姑陳太萬女幼字某將于歸而某卒依母貞守
誓不再字卒年五十六

陳六姑漢邑陳大全女幼字萬未婚而萬卒遂絕粒
死

徐三姑廩生徐^字子女幼字岡邑熊衍珠之子名朝綱未嫁
而朝綱逝姑矢志堅貞自勤紡績願終身母家衍

黃陂縣志

卷之三

貞烈

五

珠聞而悲寤接至家中與長媳孀居夏氏同住孝養
公姑立胞兄子為嗣現年四十八

劉大姑劉德廣女賊至投水死

夏姑適孝邑沈姓夫被擄自經死

列女志

節烈

先儒謂烈易而節難蓋言節婦外禦強暴內撫弱孤形單影隻其苦况不可名言非若烈婦之勇於赴義一死遂足爲完人也然而死豈易言哉嘗見聲名赫赫氣燄逼人而揆其生平只欠一死者死豈易言哉故節婦可欽烈婦亦可欽不可以分軒輊志烈婦明

黃自誠妻林氏年十七適黃因黃繒強姦不從恚而

黃陂縣志

卷之三

貞烈

六

自縊邑令蕭公允儒以貞烈扁其門復申之當道曰嗚呼烈矣怒彼狡之逞狂旣訟有司而見其節懼樊蠅之玷璧遂甘雉經以令其名聞閭之正氣清朝之明化也上司官各給銀二兩祭其墓

庠生王循武妻梅氏年二十二適王甫五月循武卒生遺腹子誓死守節勤紡織以撫孤正德間流賊入境被執不從刺其面年六十餘卒

庠生朱國臣妻馮氏夫死誓不改節黃安富豪吳泮強贅之至死不屈斷髮燒屋得免邑人士鳴之有

司坐泮永成直指李公扁其門

袁三才妻龐氏貧家女美姿容言動不苟三才酗酒游食不務生理氏力勸不悛一日債主責負才無計竟立夫婦賣身約爲質逾年終不能償才向氏白其事氏知不能免血泪如雨曰我雖死不甘爲人奴婢以自辱遂手刃七歲女身有孕旋復自刎數日後容貌如生陸按臺贊云扶輿正氣兮磅礴不歇疆場死忠兮閨闈死烈蓬門箕帚不羨羅綺兮厭棄兇孽誰無一死兮爾之死也如金如玉如

黃陂縣志

卷之三

貞烈

十七

綱如鐵隨舉其事入告後旨下捐帑建節烈石坊譚德化妻楊氏夫婦禮敬如賓舅姑八旬奉養無缺夫早亡遺子忠義遠從明師供應多方佐之雖大憂鬱聞子學業稍進嘗爲解頤乙亥賊警氏曰吾當死於家不棄屍道路也乃與媳黃氏匿複壁間賊至搜獲之大罵引刃死黃急投塘水淺不能沒賊亂石擊之腦裂不起賊怒碎其屍已亥忠義成進士

進士譚忠義妻黃氏莊敬自持夫嘗爲改容處貧不

言窘事舅姑極盡誠敬夫得一意舉子業成兩榜
咸氏力也乙亥賊突至氏隨姑匿夾室中以小兒
咳爲賊掘出姑被害氏奔投河水淺身不盡沒賊
以亂石擊之頭腦盡裂不起賊怒持刀槍碎之河
中

徐廷譽妻陳氏時流賊竄陂氏避走母家適遇賊逼
遂與其嫂陳某氏均被傷死賊退母家葬於陳家
窰山下立碑誌焉

王某妻向氏榮赤公少女素嘔笑不苟十歲時刺繡

黃陂縣志

卷之三

貞烈

十六

輒工雖兄弟行不數見母晚年多疾氏年十四親
調藥餌不以委諸婢及母不起哀慟絕粒誓與親
殉諸姑姊泣解曰母壽終耳矧父在汝可重憂之
乎旣勉從泣奠三載闖逆屠城父攜避亂山中始
字王贊夫力學躬緝績以事舅姑逾年賊大至執
氏逼之持刀脅氏氏正色曰死吾幸耳盍速諸賊
指其戚屬恐之曰若非汝父母卽汝舅姑兄弟也
盡屠之而及汝氏曰吾志已決死生非所計汝但
殺吾與諸人何與仰天長號誓必死諸人股栗垂

淚環向氏益忿曰我義不辱誰欲賣我以圖生乎
奪賊刀自盡賊怒碎其尸去眾乃得全氏屍暴數
日顏如生

袁遵妻張氏闖賊南濱遵闔門被掠將肆辱焉氏大
罵不止賊舉刃欲下媳段氏暨女環跪代死賊曰
若欲活者從我氏知賊不可回因各正容相勉以
死賊益怒亂刃之一時俱斃

王立郁妻冷氏避賊武昌城陷賊於複壁間搜執之
氏憤齧賊斷指賊怒刃之碎首屠腸而死

黃陂縣志

卷之三

節烈

九

國朝

邑庠李珽妻雷氏雷煥之女順治乙酉寇至投水死
時年三十八

范大任妻傅氏年二十六夫歿有欲奪其志者氏泣
血不從遂懷其夫靈經死時年三十五邑侯魏
給額曰青陵猶在

劉鳴光妻梅氏梅祖偁女年二十三夫歿苦守有欲
奪其志者投縊死時年二十六

庠生王式圻妻丁氏乾隆二十二年建坊

坊在西城
仔砦內

邑庠鄧燕妻田氏庠生田垣蘭女未笄時聞古烈女傳輒不忘年二十適鄧夫病侍湯藥不寐夫歿誓同穴投紅爐幾死復撞石破面諸娣姒曲勸之氏曰死者復生我方可以無死遂拜辭夫靈泣告公姑曰我爲鄧家婦未能生事死葬天地罪人耳麻縷數筋存奉公姑聊伸子婦心而已言訖登樓墜下血濺滿地絕而復蘇舅姑勸少畱氏曰我有三不可畱一以髮膚受之父母今旣毀傷何以對吾親一以許夫同死不踐言何以對死者一以間黨

黃陂縣志

卷之三

節烈

二十

皆知我死忽又復生又何以對鄉人於是水漿不入口七日而氣猶未絕夜半投縵者四家人驚救之因於白晝託疾不闔門懸梁自盡時年二十有四邑紳咸有詩文致頌乾隆三年舉人王丰采等以請額入志具呈 邑侯邵鐸額青霜並烈表揚之

余鳳翽妻某氏年二十餘夫死無子家貧事姑唐氏盡孝誓死不嫁有欲干以非禮者婦恐難免夜投梭潛出赴水死

劉謀智妻蕭氏年二十四夫歿遺一子氏曰夫死我
何以生姑老子幼我何以死觸柱毀面流血逾月
子又亡姑撫其背泣曰家徒四壁誰與爲嗣吾不
忍以白髮累青春也氏泣無語夜靜姑寐詣夫墓
焚楮投水死網之不得姑至號而起顏面如生
黃士元妻高氏高銀玉女年二十二夫歿鄉豪脅其
再嫁氏服毒自盡乾隆四十二年建坊
梁張氏嘉慶二年教匪竄擾逃至鶯嘴山下投水死
時年二十五

黃陂縣志

卷之三

節烈

三

張吳氏裴氏嘉慶二年匪至俱投水死

王道達妻袁氏四川知縣袁鳳修女年三十夫歿撒

簣躡踴哀毀盡至急欲以身殉越三日竟不食而

死

道光二十一年
甘澆爲之立傳

旌並准入祠建坊四川舉人

張天迓妻李氏

詳節孝

楊見祥妻徐氏徐成忠女年三十五夫歿日夜啼哭

飲食不下族黨力勸亦不食餓數日弗死遂自縊

張錫儼妻陳氏陳才培女夫病不起割股合藥及夫歿

日夜悲泣雉經死咸豐十年

旌

舉人劉紹徽造室張氏徽任興國州學正時年六十八內室無人氏以青年服事徽解組後多疾氏侍湯藥毫無閒言及捐館氏大慟泣血以含殮爲己任蓋棺後祭奠咸中禮皆未知其有死志乃三日後自盡靈前時年三十一咸豐十一年 旌

廩生吳華春妻秦氏 監生吳藻春妻蕭氏 附貢

吳季鏞妻彭氏同女榮姑夫兄妾梁氏均於咸豐二年賊陷省垣投水死時秦年六十二蕭年五十七彭年五十三同時殉難者共計二十四人

黃陂縣志

卷之三

節烈

三

韓元發妻張氏咸豐三年正月初三髮騎衝逼攜六歲子同赴水死時年二十四

夏吳氏咸豐三年賊至被擄不從投水死

李學箴妻彭氏彭光懿女年六十二歲比居劉琪妻

王氏暨賣餅婦鄧方旭妻彭氏相依如母女咸豐

四年賊艘泊溝擄二婦過彭門號救彭忿尾賊欲

救二婦賊釋二婦縛彭二婦紿賊釋彭卽投河彭

曰二婦以義殉我我當從遂躍入水次晨得三尸

面皆如生時王年二十四彭年三十二同治二年

旌表

曹三元妻吳氏庠生吳文燾女生子一咸豐四年賊至赴水死

方會氏咸豐四年賊至大罵遇害時年八十餘

李青齋妻徐氏咸豐四年賊至被脅不從忿罵賊怒殺死

樂同與妻祝氏祝希桂女咸豐四年賊至抱二齡孩赴水死

劉華年妻許氏許三宅女劉范氏咸豐四年賊至皆

黃陂縣志

卷之十三 節烈

三

不能遠避投縵死

張厚信妻劉氏劉祖貴女咸豐四年同夫姪傳翼聘

媳魏大台魏自賢女避賊於馮家橋勢急攜手赴

水死

方夏氏咸豐四年賊至投水死時年二十

任玉林妻彭氏咸豐四年團練夫陣亡氏罵賊遇害

艾黃氏 艾彭氏 艾蕭氏均咸豐四年殉節

任大祚妻桂氏咸豐四年遇害時年二十一

夏楚鐘妻楊氏楊茂秀女咸豐四年賊擾道士店氏
遇賊大罵被害

戴閔氏戴金元母 孫氏金元伯母 金元妻解氏
弟婦雷氏 養媳玉姑咸豐四年四月十九均

遇害

戴金玉妻王氏咸豐四年四月十九捻至投水死

余永珍妻王氏 劉大明妻吳氏 戴大本妻魯氏

夏連升妻張氏咸豐四年四月十九賊至俱投
水死

黃陂縣志

卷之三

節烈

三

段江氏段純泰母咸豐四年四月十九被賊火死泰
妻嚴氏投水死

胡黃氏胡鑑華母 華弟婦易氏咸豐四年四月十
九賊至同遇害時黃年五十五易年十九

鮑某妻段氏 王兆慶妻李氏 陳邦云妻張氏

陳邦金妻張氏曾文隆妻劉氏 陳士國妻張氏
譙某妻羅氏 賴某妻梁氏咸豐四年四月十

九均被賊殺死

張金定妻黃氏咸豐四年五月賊至投水死

韓建忠妻馮氏馮元壽女咸豐四年五月二十五日
被賊脅至學家塘投水全節時年三十四已 旌

王國富妻孫氏孫大華女咸豐四年六月初五賊東
窺被脅不從罵賊被殺死

張玉清妻郭氏咸豐四年六月初五賊至被脅不從
投水死時年十九

范德璜妻馮氏咸豐四年八月初四賊至團練失利
罵賊被殺死

余世觀妻胡氏胡錫爵女咸豐四年八月初四日賊

黃陂縣志

卷之三

節烈

三

至氏扶姑不忍離賊戕姑氏冒刃遮護姑驚斃氏
受七傷猶以不能保姑爲己責哀毀倍至勺飲不
入口三日而卒

余道醇妻劉氏監生劉良弼女年二十三守節撫子
咸豐四年八月初四遇賊於馮家橋將子赴族人
潛走賊擊之罵不絕聲賊欲割其舌大罵觸地死

李喜生妻閔氏咸豐四年五月初七日賊至勢急投
水死時年三十

劉國順妻范氏咸豐四年八月初四日賊逼不從大

罵賊分解兩手受數刃死

吳茂宏妻夏氏咸豐四年賊擾邑東勢急投水死時年三十餘

劉宗錦妻陳氏隨夫寄居漢鎮咸豐四年賊至被擄不從受數刃賊怒殺於市時年三十六

林世民妻王氏王應祥女咸豐四年八月賊逼氏大罵賊怒殺之

林向青妻鄭氏鄭天順女咸豐四年八月初四氏夫充練勇禦賊力竭氏持矛往救夫得免氏受重傷

黃陂縣志

卷之三

節烈

三

死

劉家佑妻張氏張培宋女咸豐五年爲賊所獲誘以金帛脅以威力懼以刀兵皆不從唾罵百端賊知難犯亂鎗刺死並焚其居時年二十八

鄧方旭妻彭氏咸豐五年避難於道貫泉被賊擄至船中誓死不從賊以湯淋其面而死時年二十四

沈寶進妻孫氏孫代進女咸豐五年賊至抱半歲子投水死時年三十

何明貴妻劉氏年二十八夫歿撫孤成立隨子質居

漢咸豐五年賊燒燬漢鎮氏罵賊遇害時年八十

三

庠生張俊華妻傅氏傅士國女咸豐十一年賊匪竄擾罵賊赴水殉節時年六十四同治九年 旌

杜石春妻李氏李慶雲女 王希卓妻徐氏徐人驥

女年三十三咸豐十一年賊至俱投水死

方禮貞妻李氏 陳正元妻彭氏咸豐十一年賊至

勢急投水死時李年二十一彭年十九

劉德大妻陳氏陳太真女咸豐十一年賊至被脅不

黃陂縣志

卷之三

節烈

三

從大罵賊以巨斧劈腦死時年三十六

劉徐氏咸豐十一年賊至投水死時年十八

監生周國楨妻段氏段純性女咸豐十一年賊逼近

墜岩死同治九年 旌

魏有爲妻錢氏咸豐十一年賊至投水死時年三十

二

監生胡長發妻熊氏孝事公姑咸豐十一年二月二

十日賊至投水死

周國霖妻熊氏咸豐十一年二月二十日遇賊殉節

邑庠陳述祖妻吳氏吳永緒女咸豐十一年二月二十
二日賊至隨姑遇賊於方家潭將襁抱子付姑
手泣投水死時年二十七

鍾明黃妻戴氏年四十八攜女顯貴 石林 引姑

梁金龍妻鍾氏年二十一抱女桂枝咸豐十一
年賊至六人同赴水死

漢陽進士蕭書妻姜氏武舉姜德瑜女避難邑西李
家集咸豐十一年二月賊至勢急投水死面如生
監生余登甲妻潘氏潘奇元女咸豐十一年賊至投

黃陂縣志

卷之十三

節烈

五

水死時年二十七

雷開坦妻柯氏年四十四長女蝦貴年十八次女尙
幼咸豐十一年二月二十二日逃至邑西爲賊所
獲置諸內室賊出母女相向而泣女曰婦女以節
爲重事急矣將若何母曰諾迺潛出同赴水死時
有丐婦憐之倩人撈尸見女猶攜母手幼女猶在
抱面如生爲之守尸月餘

邑東烈婦不詳姓氏咸豐十一年在三姑井遇賊迫
之大罵脅以刃罵益厲賊怒裂其尸年二十餘邑

庠劉映蘭弔以詩

蔡萬銀妻王氏王槐三女咸豐十一年賊竄羅漢寺
勢急投水死時年三十二

張德大妻任氏任國壽女咸豐十一年二月十八日
賊勢急負其子投水死時年三十一

王鈞元妻吳氏咸豐十一年二月二十二日賊至殉

節

楊輝廷妻李氏 媳楊氏 養媳熊氏女 孫女小

田咸豐十一年二月十七日賊至四人同赴水死

卷之三十一

二十九

錢國俊妻沈氏沈寶山女 王達富妻邱氏邱士極

女 鄒正魁妻邱氏邱如鵬女 陳洪慶妻鄆氏

鄆士進女咸豐十一年二月二十一日賊至勢急

投水死時沈年二十三邱年六十邱年四十一鄆

年四十四

陳某妻熊氏年二十有孕咸豐十一年二月十七日

賊至投水死

李萬順妻謝氏謝聲高女同治元年九月初六日在

安邑姜牌店遇賊辱罵不韜被刺死時年三十七

吳陳氏庠生吳宗謙母同治元年九月初二賊至其里與夫姪長遠妻陳氏同赴水死

王周氏同治元年九月初五在趙家畝遇賊大罵賊怒推之水中溺死時年八十八

易桂妻汪氏汪漢起女同治元年九月初七日髮捻竄擾勢急自盡時年四十

朱益華妻陳氏陳允文女性貞靜言笑不苟年十八適朱執婦道有賢聲同治元年九月捻逆由孝寧陂氏攜女奔逃不數武賊突至氏急投村塘死賊

黃陂縣志

卷之三

節烈

三

退撈尸斂之面如生

盧樹人妻易氏年三十一常言從一而終女子分內事見有改嫁者輒指斥同治元年九月初四日全家逃難至黃安縣被賊衝散氏於螞蟬地投水死桂良臣妻任氏任志齊女同治元年九月賊至氏避難至黃安佛踏山下被脅不從大罵賊怒亂戟刺死時年二十六

晏步勝妻田氏同治元年九月初二賊至投水死

烈婦不知誰氏約年二十餘身衣青藍同治元年賊

至投水死鄉人葬於朱家冲面山嘴下

張守立妻殷氏殷向煦女 張長富妻邱氏邱正文

女同治元年九月初三日賊至勢急俱投水死時
殷年四十三邱年二十

熊大傑妻鄭氏年十九夫歿遺一子矢志撫孤同治

元年捻逆擾陂恥見賊面投水死賊退族人見髮
浮水面撈之特立水中確乎難移時年七十一

甘重喜妻胡氏童耀武妻蔣氏同治元年賊至皆攜
抱幼孤忿罵四人同赴水死

黃陂縣志

卷之三

節烈

三

張德安妻劉氏孝邑劉志生女年二十三 陳之守

妻余氏余克賓女年二十 甯成龍妻李氏李正

泰女年二十七 梅世德妻李氏年三十九 梅

明原妻李氏年二十八 譚國學妻謝氏謝舉清

女 譚楚榮妻甘氏甘永正女 劉名耀妻陳氏

陳大福女同治元年賊至俱投水死

烈婦無姓氏約年二十餘同治元年賊至被擄不從

抱子溺死於周家石橋塘內土人葬於路旁小山

李世浩妻王氏同治元年賊擄浩浩不屈負傷奔水

溺死氏亦赴水死

職員李善甫妻張氏張賜宏女同治元年賊至氏姊
姒皆逃獨慮姑老廢難行負水濱坐賊至則入水
潛避退則進食姑前於是者三日因思死終難免
無人奉姑爰備麪食藏姑側草閒謂姑曰賊久踞
此不孝媳不能長依膝下如飢請取以食追賊眾
至遂投水死時年四十四姑賴以全旌

錢有質妻王氏王宏烈女年三十苦節同治元年賊
至大罵遇害時年五十四

黃陂縣志

卷之三

節烈

三

錢作文妻彭氏彭烈女年二十四守節同治元年二
月二十一日賊至投水死時年二十六

劉名耀妻陳氏陳大福女同治元年九月初五賊至
負二歲子逃至彭家灣塘投水死時年三十九

魏顯揚妻李氏年二十田福德妻阮氏年三十六同
治元年九月賊至勢急李自縊死阮罵賊遇害

李榮恩妻周氏周承鑑女年四十九汪士賢妻楊氏
汪妻吳氏同治二年賊至皆縊死

沈起亭妻張氏張士太女年二十二徐大準妻劉氏

劉翊傳女同治二年賊至俱投水死

職員徐慶霖妻姚氏姚開奇女同治二年賊至攜二
幼子俱赴水死

徐文星妻熊氏熊思來女同治二年賊至抱女赴水
死

胡興貴妻李氏李正元女同治二年賊至被脅不從
投水死時年二十九 旌

袁懿山妻張氏同治二年賊至投水死

劉榮貴妻張氏張開寅女同治二年九月賊至囑夫

黃陂縣志

卷之三 節烈

三

速逃乃投深澗死時年二十九

庠生段青選妻魯氏庠生魯貞女年二十餘守節事

姑黎氏孝同治三年賊至姑年逾九十氏扶姑行

未遠勢逼以身護姑不避艱險罵賊不屈被槍刺

胸死時年四十七

李太武妻畢氏畢國太女年二十一守節同治三年
賊至投水死時年五十七

徐大春妻彭氏彭玉穀女 李金海妻汪氏汪先彩

女年四十六 周金有妻祝氏祝金漳女年三十

六 方扶保妻劉氏年二十八 方紹林妻馮氏
年二十七 董丁未妻楊氏年二十二 徐聘之
妻彭氏年二十三同治三年賊至投水死

李起榜妻方氏方國瀚女 胡有福妻王氏年十六

樂二保妻陳氏年

二十五同治三年賊至投水死

唐李氏李全福女適孝邑唐姓年二十五夫死無子
守節撫嗣同治三年歸甯母家五月初四日賊逼
近投羅家湖溺死

黃陂縣志

卷之三 節烈

三

陳春元妻胡氏胡德華女同治三年五月初六日賊
至被脅不從賊以長矛刺之大罵復以巨石擊斃
黃方鞠妻鄧氏年二十六夫歿事姑撫子不辭勞瘁
同治三年捻逆猝至氏取厨刀自刎死

胡正懷妻陳氏徐開山妻葉氏 段某妻李氏 方

魁光妻馬氏同治三年賊至被執不辱罵賊受刃死

吳德喜妻吳氏吳金臺女同治三年遇賊投水死

蔡祥元妻謝氏謝正煜女蔡宗道妻鄭氏鄭明國女
同治三年五月五日賊由邑西猝至二婦忿罵均

被數傷死時謝年三十六鄭年十九

黃道順妻周氏周光瑞女同治三年五月五日避難
至橫山勢急投水賊怒以長矛刺斃時年二十一
李學萬妻吳氏吳漢章女學金妻張氏同治三年避
難至劉家廟投水死時吳年四十八張年三十九
熊方兆妻鄧氏夫歿守節同治三年十月初七捻逆
竄擾勢急挾子投河死時年二十一
陳本秀妻胡氏胡德華女同治三年九月十二日被
脅不從罵賊遇害時年二十一

黃陂縣志

卷之三

節烈

三

周萬順妻許氏許良鈺女守節二十餘年同治三年
五月五日捻逆入城奔至小南門投河死

王長明妻王氏同治三年五月初六日髮逆竄擾氏
因夫病不能遠離賊強逼不從被殺時年三十二
已旌

監生黃惠采妻院氏子遠館氏衰勞難行同治三年
九月賊至索衣物不得打碎腦死時年七十二

丁宗珍妻喻氏喻保國女同治三年五月初七賊至
投水死時年二十七

徐文蔚妻姚氏同治三年五月五日賊至赴水死

李大綱妻周氏年十七夏國珍妻詹氏年二十一同治四年十二月賊至勢急俱投水死

王才蔚妻呂氏監生呂廷彥女同治四年十二月初五日賊至逃於馮家橋勢急投水死時年二十六學憲孫 給節烈可欽額已 旌

監生徐方震妻魏氏魏秀安女同治四年十二月賊踞縣城竄擾氏村燒燬房屋氏遭逆拷叫罵不屈投火自盡時年六十三

魯文明妻王氏王心五女年四十六魯文菊妻阮氏黃陂縣志 卷之三十三 節烈 三美

阮世宗女年五十三同治四年十二月被擄罵賊皆受傷死

喻世興妻鄒氏鄒開泰女同治乙丑十二月初六日在馮家橋遇賊投水自盡時年二十八

熊文禧妻劉氏天門劉名瑚女同治四年十二月二十三日捻逆擄脅不從殺死

阮普榮妻周氏周二長女孝公姑敬丈夫育一女尙幼同治四年十二月初六日避居在武湖見賊至赴水死時年二十六

二月初四日捻至氏聞警子皆外買絕粒數日自
甘餓死賊並焚其屍

潘天玥妻胡氏胡定蛟女孝公姑敬丈夫同治四年
十二月賊至奔逃被擄乘間投水死時年二十四
同治 年 旌

劉某妻張氏張開銀女同治四年逃難石港賊擒在
馬上氏誑言送幼子於姑相從賊釋手投河死其
所謂姑者乃逃難老嫗也

王某妻鄧氏同治乙丑遇賊不屈爲賊焚死

黃陂縣志

卷之三

節烈

三

王貴賢妻萬氏年八十王聖宗妻黃氏年四十均有
婦德同治四年腊月賊至使引藏窖不從鞭之萬
觸柱黃受傷死

王聖全妻喻氏年六十五王繼年妻熊氏年四十七
王繼述妻任氏年二十四同治四年腊月賊至罵
賊不輟皆被殺死任吞洋煙死

陳啟松妻龔氏龔從梅女同治四年十二月初五日
賊竄陂城投水死時年二十

舉人黃士奎繼室周氏周漢章女年二十一夫歿遺

熊景魁妻蕭氏蕭茂元女同治四年十二月初七日賊至未及遠避抱幼子投水死

熊茂全妻黃氏黃紹福女同治四年十二月初八日賊至投水死

廩生胡春浩妻劉氏慟夫殉難淚流不絕同治四年十二月初七日賊至投湖死時年三十九己旌

王洪坦妻劉氏同治四年十二月賊至閉門不出賊怒以火焚之與夫同時死

劉某妻王氏王鼎元女年十八同治四年十二月初

黃陂縣志

卷之三

節烈

三

七日被脅不從罵賊投水死

馮重喜妻丁氏丁正期女年十七夫歿守節同治四年十二月初四日捻匪竄陂罵賊遭擊死時年五十五

涂家騎妻孫氏孫福才女年七十五涂家驥妻丁氏丁開宗女年六十八娣姒素和同治四年十二月初四日捻至子姪皆外貿因令孕媳先避武湖舟中二氏行稍滯遇賊汪家村被拷不屈同爲所殺馮元壽妻金氏江夏金丁旺女年七十同治四年十

腹子順先士奎造室劉氏劉大發女年二十三夫
歿撫子裕先均矢志二十餘年始終無間同治四
年捻逆入境避居舟次全家陷泥而死時周年四
十八劉年五十同治八年 旌

黃掄先妻王氏教職王華臣次女 黃世平妻劉氏
廩生劉德鈇女同治四年捻匪入境避居舟次勢
急赴水死時王年十九劉年三十五

李名乾妻劉氏劉國興女同治四年捻至擄之氏大
罵不從投水逆怒裂其尸時年三十八

黃陂縣志

卷之十三

節烈

三九

黃順先妻王氏教職王華臣長女孝事霜姑無間言
同治四年隨夫奉姑避居舟次勢急全家俱投水
死時氏年二十六

馮崇德妻童氏孀居同治四年捻擾黃花滂氏豫將
衣服密縫向河濱逃賊逼氏以頭撞地血流滿面
受傷三十餘處匍匐入河死時年二十八

杜世基妻張氏同治四年賊至被脅不從罵賊遇害
縣丞李珏妻譔氏武舉譔朝臣女同治四年捻至勢
急投水死

監生彭占鰲妻劉氏劉文宏女徐光龍妻潘氏潘隆
曲女徐光煜妻胡氏胡萬春女同治四年賊至罵
賊受害

武庠孫炳法妻劉氏監生劉懿新女同治四年賊至
被脅不從赴水死逾二十日面色如生時年二十
七已 旌

劉禮傳妻朱氏朱玉興姪女同治四年賊至投水死
時年二十四

梅盛祖妻任氏任明義女同治四年賊至被擄不從

黃陂縣志

卷之三

節烈

四

罵賊遇害月餘收殮面如生時年三十六

吳啟明妻李氏江夏李某女同治四年賊至被脅不

從罵賊遇害

鄧咸全妻李氏李德祿女胡成聰妻祝氏同治四年

賊至罵不絕聲遇害

李元隆妻陳氏祝光熙妻樂氏同治四年賊至被脅

不從罵賊遇害

陳志貴妻張氏汪保山妻韋氏韋應奇妻方氏陳開

局妻吳氏樂應彬妻陳氏樂天貴妻鄭氏樂玉環

妻夏氏同治四年賊至被脅不從遇害

王德朝妻蕭氏同治四年賊至大罵被槍投水死時年八十四

馮崇做妻童氏年二十二守節同治四年賊至赴水死時年三十八 同治六年 旌

郡庠涂鈺妻李氏李之本女年廿一苦節同治四年賊至罵賊投水死時年七十三 同治九年 旌

胡德綸妻杜氏杜方清女年十八守節同治四年賊至自縊死 同治九年 旌

黃陂縣志

卷之三

節烈

聖

彭錫蘭妻涂氏涂兆炳女年二十九守節同治四年賊至大罵遇害 同治九年 旌

胡立奎妻易氏易松亭女同治四年賊至隨姑逃避姑遇害氏罵不絕聲亦死

官運隆妻黃氏黃澤相女咸豐四年賊至忿罵受傷身死時年四十一

王元志妻陳氏同治四年賊至被脅不從抱幼子赴水死時年四十

董成清妻張氏二十八夫歿矢志守節同治四年避

賊黃花潑投水死

董成炳妻彭氏年十八 張宗義妻李氏年二十二

同治四年賊至投水死

張正海妻陳氏陳雲鴻女同治四年檢獲黃花潑擄

氏不從大罵賊怒以洋鎗打死時年二十六

劉家禛妻張氏年二十七 周胡氏年三十八 丁

王氏年三十 彭魏氏 李任氏 任胡氏 任

余氏同治四年被脅不從罵賊受傷死

張羅氏青年矢志同治四年遇賊厲罵受傷殉節

黃陂縣志 卷之三 節烈 三

袁壽生妻彭氏年二十二 王國順妻劉氏年三十

九同治四年賊至被脅不從受數刃赴水死

謚學儀妻章氏同治四年賊至勢急抱子投水死旌

藍鳳梧妻唐氏年二十四 胡源濬妻閔氏年三十旌

五 胡源裕妻彭氏年二十八 胡春霖妻節婦

年四十一 張家鵠妻李氏年二十三 李光勳

妻魏氏年二十八 梅么妻任氏年三十八 熊

華堂妻李氏年三十九 鄧有榮妻徐氏年二十

八 陳又東妻鄒氏年二十一 劉 妻 氏年

十七同治四年賊至俱投水死

邑庠王錫毅妻黃氏年六十五 武舉劉鵬凌妻彭

氏年八十四 李泰賢妻明氏年七十同治四年

賊至大罵受害

馮崇恩妻童氏童祖維女年二十七守節撫孤同治

四年十二月初九捨擄黃花澇脅氏不從大罵受

數刃赴水死賊退撈尸面如生 同治六年 旌

徐胡氏徐文學母同治四年賊至氏衰殉難

督軍門徐連陞妾王氏同治六年誤聞夫軍中失

黃陂縣志

卷之三

會列

三

利自縊死

李陽春妻陳氏陳文照女同治四年十二月捨匪猝

至氏躍入糞窖賊以矛刺喉死

聶仁泰妻汪氏年二十九苦節同治四年十二月賊

至投水賊拖起氏大罵不止賊怒以火鉗烙死時

年四十

胡吳氏胡源濬孀母與其妻閔氏共計十三人同治

四年十二月初八日賊至俱投湖而死

葉先銘妻林氏林世沐女同治四年賊擄觀音寺大

罵遇害

胡吳氏孀婦胡王氏同治四年十二月賊至勢急同
赴水死

張鶴妻何氏何恩長女同治四年十二月十九日
舟行界埠被賊擄投水死

彭之郁妻方氏王志妻陳氏同治四年賊至投水死
邑西烈婦年二十餘同治四年被擄入城威逼不從
罵不絕聲遇害時張興科被擄目擊焉

武生劉兆熊妻晏氏同治四年賊至隨姑彭氏在薛
黃陂縣志 卷之三十一 節烈 四
家湖罵賊被害時年五十五

袁學義妻湯氏湯必壽女同治四年十二月捻逆下
竄被脅不辱罵賊遇害時年二十八

烈婦 氏同治四年十二月捻逆擄一婦至薛家湖
威逼不從打至將死推戶外僵立死是夜大雪覆
脛猶不仆

熊永興妻劉氏年七十媳黃氏吳氏孫媳蕭氏同治
四年捻至攜手同赴水死

汪上達妻吳氏瓦工女也同治四年十二月二十四

日捻逆竄擾氏因姪媳黃氏臨產不忍避同時遇害

陳廣德妻徐氏徐大進女年二十九守節同治四年十二月罵賊被害時年六十九

汪上禮妻劉氏同治四年冬捻焚其宅奔救遇害童緒久妻胡氏年二十三夫歿無子哀慟欲殉人勸不能解閱十餘日雉經死時同治四年

張文華妻鄧氏文華從軍戰死氏年二十三姑憐之令改適悲啼不答自經死見夢於姑日免得從夫

黃陂縣志

卷之三

節烈

聖

地下矣惜無子如宗祀何姑泣而覺以姪義生嗣焉

武庠陳惠中妻吳氏同治四年捻至大罵遇害

監生陳德榮妻丁氏同治四年賊至忿罵賊怒殺之投其尸於火中

歲貢劉誠杰妻夏氏山東知縣夏坦女同治四年十月十二日見賊擁數少婦婉勸不聽遂投杖忿罵賊怒打死時年七十六

邑東烈婦不知姓氏約年三十餘身衣藍衣同治四

年十二月初八日賊至在大嘴絲網嘴投水死是時赴水死者約數百人婦女尤多

邑西烈婦不知姓氏約年二十餘身衣青藍懷抱小兒同治四年十二月初六日被脅至魯家橋奮身躍水死月餘面如生瘡諸山側魯灣老嫗述其事劉懷玉妻朱氏朱宗輝女陳明新妻汪氏汪正大女同治四年十二月賊至俱投水死

曹萬獻妻胡氏同治四年十二月十一日抱子避難於甘露山北勢急赴水死後撈其尸猶抱子不釋

黃陂縣志

卷之三 節烈

吳

江雙和妻彭氏彭大成女年二十九守節韓宏春妻羅氏羅鳴昇女年二十七守節同治四年十二月賊至大罵受害彭年六十餘羅年五十九

阮士卓妻彭氏彭文郁女年三十餘夫歿同治四年十二月二十四日罵賊遇害時年六十七

魏朝亮妻林氏同治四年賊至其夫被殺因大罵奔赴水死

胡占亨妻孫氏同治四年十二月初十與夫同遇害曹文生妻涂氏同治四年十二月初五賊至投水死

韓宏興妻黃氏 韓天彩妻劉氏 韓宏茂妻蕭氏

韓宏祥妻王氏 韓建賓妻劉氏 吳天祿妻涂氏

劉永珍妻周氏 劉永湖妻段氏 劉楚有妻黃氏

任法德妻沈氏 羅應時妻李氏 裴萬全妻袁氏

張宏寬妻彭氏 張宏益妻劉氏 俱同治四年十二月殉節

提督徐連陞妾王氏同治四年聞警赴水死

從九張紹塏妻夏氏舉人夏彥女同治四年捻至忿

罵賊怒解其尸

夏兆舜妻曾氏年二十九守節同治四年十二月捻

黃陂縣志

卷之三

節烈

四

至投水死

徐前茂妻金氏江夏金上達女年二十三夫歿立志

撫遺同治五年賊至被燒死時年六十三

熊思九妾陳氏四川人年三十夫歿苦撫二子同治

五年賊至遇害時年六十一

夏忠揚妻徐氏徐述周女同治五年賊至被脅不從

遇害

吳勝剛妻郭氏同治五年賊至縊死

汪殿昌妻吳氏同治五年賊至同夫姪汪才達妻楊

氏罵賊受害

熊茂漢妻吳氏吳應藻女同治四年腊月拾至氏有
八十二歲姑貧不能避氏自毀形奉姑五年正月
十三日兇逆殺姑奪氏氏自殺逆焚其尸時年四
十

熊立鳳妻孫氏孫緒安女同治五年正月十七賊至
大罵被殺死

庠生劉澗傳妻夏氏孝邑州同夏文輝女同治五年
正月拾至被脅不從罵賊受傷死時年四十二

黃陂縣志

卷之三

節烈

四

潘來鳳妻詹氏詹雲鵬女年二十九守節同治五年
罵賊遇害時年六十六

汪步貴妻熊氏熊文韶女汪步興妻郭氏郭開清女
汪德和妻胡氏汪步揚妻徐節婦郭成順妻王氏

王甘義女同治五年正月初二日氏等見賊擄一
女年約十五身衣藍衣不言姓氏百逼不從氏等
不忍同罵女得脫奔投水死氏等同時遇害時熊
年六十五郭年六十八胡年七十二徐年八十二
王年五十七 同死者猶有二婦姓氏未詳

羅應祥妻張氏張國謀女年三十守節同治五年賊至病篤不能避遇害時年八十二

鄭德剛妻羅氏漢川羅升選女同治六年賊至被擄不從罵賊遇害

柳公允妻沈氏同治六年捻逆竄擾投水死

監生詹郁文妻劉氏劉琚女年十九守節同治六年賊至氏怒罵被打死時年八十五

馮陳連妻許氏年二十于歸夫患勞瘵翦髮求神願以身代閱三年夫歿遂從容以殉王學憲給砥

黃陂縣志

卷之十三

節烈

四九

礪懷清額

彭尙德妻黃氏僑遇江夏年二十夫歿家貧無子苦

守靡他有欲強嫁者遂登洪山寺塔墜而死

時嘉慶十

一年二月道光八年

旌

梅湛氏同治四年賊至投水死時年八十六

王韓氏同治四年賊至罵賊遇害年八十四

李金海妻汪氏同治三年賊至投水死

劉紹緒妻吳氏嘉慶二年殉難

李應柏妻蔡氏明末殉難

鮑益明妻陳氏咸豐十一年賊至投水死

劉氏係劉二之妻劉明義女二十二歲于歸越三年夫故未及兩月夫兄無婦因欲強之劉氏覺卽投繯經救免次日奔母家數日水漿不入口而死

樊氏周光才妻於同治四年十二月初八日拾逆竄擾在東寺坂本村被脅不從遇害

彭氏劉義和妻於同治四年十二月初八日拾逆竄擾東寺坂本村被脅不從遇害

龔氏朱又元妻於同治四年十二月初八日拾逆竄擾在黃陂縣志

卷之三

烈婦

五

本村被脅不從遇害

潘氏劉聯奎妻於同治四年十二月初十日拾逆竄擾在本宅被殺又被火焚尤慘

田氏田玉女諶守銓妻於同治四年十二月拾匪竄境大聲罵賊身受重傷而終

潘楊氏同治四年十二月拾匪猝至懼污投水而死

諶周氏同治四年正月初三日江八里涂家墩遇賊被殺

曾張氏同治乙丑年正月十六日罵賊傷三刀而死

張氏從九李善甫妻同治元年九月避賊於壙山下土
地嶺賊擄婦女氏卽投水而死 撫憲胡獎題彙奏
請旌准建坊入祠

易彭氏易正榮妻咸豐五年三月二十一日避亂於孫
李家冲賊來擄逼婦女氏當投入山下塘中而死

張羅氏張用霖繼妻羅商品女年二十四夫歿守節奉
姑因堂姪甫數齡喪母氏代撫養同治四年賊至欲
擄之去氏設法交僕潛逃賊覺氏被殺

張魏氏監生張 妻年五十八歲同治四年捻匪踞

黃陂縣志

卷之三

烈婦

五

城擄掠婦女氏慟罵觸賊怒賊縛擊之罵亦厲釘其
手足復焚死

楊邱氏楊定魁妻同治三年髮逆擾城氏因勢急懼污
在藏經閣前投水死

陳文銓妻周氏賊至投水死

梁文藻妻劉氏劉德善妻李氏賊至同赴水

彭文勝妻魏氏同治六年遇害

劉清曙妻范氏

陳耀富妻涂氏同治三年投水死

國朝

烈婦

彭氏邑庠彭煥章之姑也氏少方正及適人值夫不才
數泣諫不從遂自刎邑侯魏公以匾旌之

某氏河口熊門媳也年二十夫以病卒氏即死之邑士
大夫多弔以詩

張氏涂門媳也年二十二夫卒自矢柏舟而父母舅姑
私許人氏不從強之遂自縊魏邑侯特匾旌焉

孝婦

黃陂縣志

卷之六

烈婦

明

胡氏武昌司訓胡公傳之妻經魁胡雲嵐之母也事舅
姑極孝舅病不能起止氏與姑同扶持一飲食便溺
俱不避嫌疑君子以為難

烈女

明

方氏女名明年十六七父母以賊亂避居木蘭山忽傳賊至明自度不能逃赴潭水父母強阻之明哭曰任我死猶得為父母女也遂死賊去後乃覓其屍猶如生焉邑士大夫以詩弔之

趙氏崇陽貢生趙廷璧女也邑南生員盧鎬聘為季子媳未字而亡女聞之即痛哭於母家必欲登盧之堂父母不能禁比至為之殮因從夫死所自縊時盧居

黃陂縣志

卷之

烈女

武昌街鄰及紳士固請

題達奉

青建坊旌表